

www.e-rara.ch

Numismata summorum pontificum templi Vaticani fabricam indicantia

**Buonanni, Filippo
Lonigo, Michele**

Romae, 1700

ETH-Bibliothek Zürich

Shelf Mark: Rar 1332 q

Persistent Link: <http://dx.doi.org/10.3931/e-rara-13083>

[Dedicatio.]

www.e-rara.ch

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

Nutzungsbedingungen Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelinformationen angegeben. Für weitere Informationen siehe auch [Link]

Terms of Use This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

Conditions d'utilisation Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

Condizioni di utilizzo Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]

EMINENTISSIME, AC REVERENDISSIME
P R I N C E P S.



VATICANÆ Basilicæ Fabricam à prima origine ad præsens usque tempus productam describens Eminentissime Princeps, atque in paginis præcipuas ejusdem partes scalpro exprimens, omnium oculis ipsam Basilicam quodammodo referavi, ut quisque hominum, etiam remotissimo sub Cælo degens, illam intueri pro libito posset, ac è structura tum recenti tum antiqua, non solùm Constantini Magni ejus primi Fundatoris pietatem dignosceret; sed Summorum Pontificum Religionem, qui in eadem reparanda ingentem auri copiam insumpserunt, imò in novam formam confluentes, nobilem adeo speciem illi addidere, ut meritò illud dici possit. *Magna erit gloria Domus istius novissima plusquam prima*, ut olim Aggeus Propheta de Templo Hierosolymitano pronuntiavit.

Volumen, in quo hæc omnia retuleram, ad pedes Beatissimi Principis Apostolorum, ut opus erat, deposui: tum quia fructus collegeram in campo, quem sibi proprio sanguine ille coëmerat, tum etiam, ut erroribus parceret, qui procul dubio irreperunt, & tenuitatem scribentis excusaret, qui non digno, ut Princeps Apostolorum merebatur, calamo de opere egregio, & præclaro agere non dubitaverit.

Cum igitur nova hac ejusdem operis editione eandem Basilicam omnium oculis iterum exponam, Eminentissime Princeps, non alii, quàm Tibi tradere profecto debueram, qui tuis manibus Portam ejus auream referasti, per quam aditus mihi patuit, ut solertiori studio Basilicam ipsam perlustrans accuratius describerem. Patuit (inquam) aditus,

cum Summo Pontifice Innocentio XII. per invaletudinem, impedito, ac Eminentissimo Alderano Cybo Sacri Senatus Decano ob senium laborante, Tibi inter Purpuratos Patres antiquissimo, & Antistiti Portuensi fors obtigit Portam Sanctam aperiendi, ac munus Vicarii Christi exercens in terra, caelestes Thesauros, omnium bono expositos esse declarasti. Sex integra saecula numerabamus ab eo tempore, quo inclitus, ac celeberrimus Haeros Godefridus Bullioneus, à quo Serenissimi Supremi Duces Bullionei maternum genus ducunt, armata manu Portas Urbis Hierosolymitanæ aperuit, ut eam Christiani Milites victoriam concinentes ingrederentur, verum unica die in Te, Princeps Eminentissime, duplicata est gloriosi Nominis fama, cum peculiari Dei Providentia Caelum ipsum universis Fidei Romanæ Alumnis quodammodo aperuisti, aureo malleo parietem evertens, quo Basilica Vaticana obstruebatur.

Cum igitur actus aperiendi, atque ingressus ipse Dominium indicet, & ejusdem loci possessionem, delegata quamvis potestate, ac Pontificio nomine id egeris, Eminentissime Princeps, Tibi deberi clamat hoc opus, quod in Basilica per Te aperta velut enatum, atque adultum iterum prodit in lucem. Ad illud Sacris Tuis manibus porrigendum eximia Tui excelsi animi benignitas excitavit, qua ejus paginas primò editas percurrere dignata est, quaque clementer excipere soles quodcunque obsequium hujus minimæ Societatis, que Te ubique Protectorem amantissimum experitur.

Denique sicut à Summo Apostolorum Principe veniam mihi sponendi, si adeò excelsi Operis argumentum minus digno calamo pertractaverim, sic à Te humanissimo Purpurati Senatus Principe veniam exopto, si volumini exiguo, excelsum Eminentissimi Principis Emmanuelis Bullionei Nomen inscribo.

Eminentiae Tuæ.

Humilissimus & obsequentissimus Servus

Philippus Bonanni Soc. Jesu.